

«Имом Бухорий» ордени таъсис этилди



12:00 / 16.08.2022 2173

«Имом Бухорий» орденини таъсис этиш тўғрисидаги Қонун (ЎРҚ-789-сон, 15.08.2022 й.) Президент томонидан имзоланди.

Қонунга мувофиқ, «Имом Бухорий» ордени икки даражадан иборат бўлади:

«Олий Даражали Имом Бухорий» ордени;

«Имом Бухорий» ордени.

«Олий Даражали Имом Бухорий» ордени билан илм-фан ва маданият, жумладан, Ислом маърифати ривожига улкан ҳисса қўшган буюк аллома ва мутафаккирларнинг ҳаёти ҳамда илмий меросини ўрганиш ва халқаро майдонда кенг тарғиб қилишда катта ютуқларга эришганлиги учун:

- хорижий давлатлар ва ҳукуматлар раҳбарлари;

- хорижий мамлакатлар парламентлари вакиллари;
- халқаро ташкилотлар, дипломатик ваколатхоналар, консуллик муассасалари ҳамда уларга тенглаштирилган бошқа ташкилотларнинг раҳбарлари ва вакиллари, шунингдек хорижий арбоблар ва олимлар;
- мамлакатимизнинг атоқли давлат ва жамоат арбоблари, диний-ижтимоий соҳадаги раҳбарлар ва етук уламолар, атоқли олимлар, адиблар, педагоглар ва илмий тадқиқотчилар мукофотланади.

«Имом Бухорий» ордени билан эса буюк алломаларимизнинг илмий ва диний меросини тадқиқ этиш ҳамда тарғиб қилиш, ислом динининг умуминсоний қадриятлари ва асл моҳиятини мамлакат аҳолиси, айниқса ёшларга етказишдаги хизматлари учун:

- илм-фан, таълим-тарбия, маданият, санъат ва адабиёт соҳаси ходимлари;
- давлат ва жамоат ташкилотлари ходимлари;
- диний уламолар;
- олимлар ва тадқиқотчилар мукофотланади.

«Олий Даражали Имом Бухорий» ордени билан мукофотланган шахсларга БҲМнинг 70 баравари (21 млн сўм), «Имом Бухорий» ордени билан мукофотланган шахсларга эса БҲМнинг 50 баравари (15 млн сўм) миқдоридagi бир марталик пул мукофоти берилади.

Манба: huquqiy axborot телеграм канали